

曠疎樹翻高葉寒流聚細文 梁庾肩吾侍讌九日詩曰轍跡光周頃巡
遊減夏功鉤陳萬騎轉閭闔九門通秋暉逐行 漏朔氣繞相風獻壽重陽
節迴鸞上苑中疏山開盤道閒樹出離宮玉醴 吹花菊銀床落并桐飲羽
山西射浮雲翼北認塵飛金埒滿葉破柳條空 周王褒九日從駕詩曰
黃山獵地廣青門官路長律改三秋節氣應九 鍾霜曙影初分地暗色始
成光交布長秋坂緹幕杏間堂射馬垂雙帶豐 貂佩兩璜苑寒梨樹紫山
秋菊葉黃終慙屢車對空假侍中郎 賦 宋傅 亮九月九日登陵置館賦
曰歲九旻之暮月肅晨駕而北逝度迴壑以停 轅凌孤館而遠慙何物慘
而節哀又雲悠而風厲悴綠繁於寒渚墮豐灌 於荒澁玩中原之芬菊惜
蘭圃之彫蕙旌竹栢之勁心謝梧楸之零脆爾 乃流眄平隰落日還臯于
感具盈在物周騷聆離鷗之悽響沂鳴林之瀏 飈彼遊子之苦傷每寤歎
於我勞矧集悲而鍾苦疚寸心其如切眇天末 以遙瞻怨故鄉之阻遼
書 魏文帝與鍾繇書曰歲往月來忽復九月 九日九爲陽數而日月並
應俗嘉其名以爲宜於長久故以享宴高會是 月律中無射言群木庶草

無有射而生至於芳菊紛然獨榮非夫含乾坤之純和體芬芳之淑氣孰
能如此故屈平悲冉冉之將老思食秋菊之落英軀體延年莫斯之貴謹
奉一束以助彭祖之術

藝文類聚卷第四